

33avla radunanza dals participants da la BCG

Ils participants ed il chantun Grischun profiteschon dal resultat da record da la BCG

Cuira, ils 5 da matg 2018 – En preschientscha da 2'590 giasts ha gi lieu la sonda en la Halla da la citad da Cuira la 33avla radunanza dals participants da la Banca Chantunala Grischuna (BCG). Purtadras e purtaders da scrits da participaziun ed il chantun Grischun han profità d'ina dividenda pli auta da 40 francs.

Il gudogn dal concern da 180.3 milliuns francs – quai è in record – ha legrà las participantas ed ils participants. La dividenda è vegnida auzada per dus francs sin 40 francs. En total ha la BCG distribuì 100 milliuns francs sco dividendas al chantun Grischun ed a participantas e participants.

Auzà tut las cumponentas da retgav

«La banca ha registrà ina creschientscha en tut ils champs commerzials», ha declerà il CEO Alois Vinzens. Quai pussibiliteschia investiziuns en l'avegnir e la finala era l'engaschament multifar da la banca en il Grischun. «L'onni da rapport ha la banca mess a disposiziun 3.2 milliuns francs per projects culturals ed economics e per projects da sport e d'utilità publica», ha fatg attent Alois Vinzens a l'engaschament da la BCG tras il fond da contribuziun, las activitads da sponsoring e da la promoziun culturala sco era la lavur voluntara da la banca. La banca haja ina basa da clients vasta ed ina capacitad da supportar ristgas extraordinaria e plinavant s'orienteschia ella ferm a la clientella. Quai saja ina buna cundiziun da partenza per l'avegnir. Era l'onni current fetschian ins puspè quint cun in bun resultat da fatschenta, ha constatà il CEO Alois Vinzens.

La banca è sin la dretga via en il sector d'investiziuns e sin il champ digital

Il president da banca Peter Fanconi dilucidescha ils success da posiziunament en il sector d'investiziuns sco conferma da l'orientaziun strategica: «Il martgà ha absorbà bain nossas investiziuns en la cussegliaziun d'investiziuns a basa d'ina software. La performance da noss agens products persuada». Tut ils fonds d'acziun da la BCG sajan sa sviluppadis bler meglier l'onni da rapport che lur index u investiziuns sumegliantas. «Quai conferma la cumpetenza da noss experts d'investiziuns en l'Investment Center BCG e la qualitad da la cussegliaziun», di il president da banca. Plinavant tegnia la banca quint da las midadas digitalas cun pass ponderads bain: «Noss project da pilot a Glion mussa gia co ch'ina filiala senza in spurtegl classic po funcziunar, sche las zonas d'automats e las pussaivladads da cussegliaziun vegnan concepidas a moda adattada als basegns da la clientella.» Quai saja impurtant, pertge ch'il dumber da transacziuns da daner contant al spurtegl tschessia cuntinuadamain. Quest fatg saja da prender per mauns a moda orientada a la clientella. Suent l'introducziun reussida a Glion vegnia il nov concept da filialas extendi sin ulteriuras sedias regionalas. La finamira na saja betg da realisar tut quai ch'è tecnicamain pussaivel, mabain quai che servia a lunga vista a la clientella. Quest patratg vegnia la banca er a considerar en il rom dal giubileum da 150 onns il 2020, sa legra il president da banca Peter Fanconi sin l'avegnir.

Prendì cumià dal cusseglier da banca Fabrizio Keller

A la fin da la part uffiziala ha il president da banca Peter Fanconi dà adia al cusseglier da banca Fabrizio Keller ed undrà ses merits per la BCG. Fabrizio Keller è stà durant dundes onns cusseglier da banca e dapi il 2016 vicepresidente da banca.

Mess accents musicals e culinaries

Per divertiment sin in nivel intgantant ha procurà la chantadura Nyna Dubois. La chantadura da jazz professionala è creschida si a Cuira. Ensemen cun il Swiss Jazz Orchestra sut la batgetta da Philip Henzi ha ella chantà numerus swing standards. Cumpletà la preschentaziun ha il duet «Something Stupid» ensemen cun Sandro Dietrich. Sco mintg'onn ha la musica instrumentala da la BCG cun ses dirigent Hendri Riedi avert l'occorrenza. Ils giasts èn danovamain vegnids pupragnads culinaricamain da Christoph Tobler e ses team che han survegnì in applaus frenetic per la preschentaziun dal dessert.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 985 collavuraturas e collavurats (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2018:	26 da fanadur 2018
Quint annual 2018:	8 da favrer 2019
